



ते हून खबरें दी तफसील कन्नै श्रुति खजूरिया

<><><><><><>

### Parliament Session

संसद दे बजट सत्र दा दुआ गेड़ अज्जै थमां शुरु होआ रदा ऐ। एह गेड़ अगले म्हीने दी 2 तरीक तगर चलोग। लोकसभा च अज्ज अध्यक्ष ओम बिरला होरें गी हटाने दे प्रस्ताव पर चर्चा होनी ऐ। कांग्रेस दे त्रै सांसद मोहम्मद जावेद के. सुरेश ते मल्लु रवि एह प्रस्ताव रक्खडन-जेकर अज्ज लोकसभा च इस प्रस्ताव पर चर्चा हुंदी ऐ तां ओम बिरला होर सदन दी कारवाई दी अध्यक्षता नैई करडन। विदेश मंत्री डाक्टर एस. जयशंकर होरें गी अज्ज पश्चिम एशिया दी स्थिति बारे ब्यान देना ऐ।

<><><><><><>

### India's Wins World Cup

भारत नै त्री बारी आई.सी.सी. मर्दे दे टी-20 विश्व कप गी जितियै इतिहास रची दिता ऐ। एदे कन्नै गै भारत नै लगातार 2 बारी टी-20 विश्व कप जितने दा गौरव बी हासिल कीता ऐ। अहमदाबाद दे नरेन्द्र मोदी स्टेडियम च कल खेड्डे गेदे खिताबी मुकाबले च भारत नै न्यूजीलैंड गी 96 रन्ज कन्नै हराया। सूर्य कुमार यादव दी अगुआई च पैहले बल्लेबाजी करदे होई भारतीय टीम नै तय 20 ओवरें च 5 विकटें दे नुकसान पर 256 रन्ज बनाए। इस लक्ष्य दा पिच्छा करदे होई न्यूजीलैंड दी पूरी टीम 19 ओवरें च इक सौ 59 रन्ज पर सिमटी गई। जसप्रीत बुमराह नै 4 विकटां लैतियां ते उसी प्लेयर ऑफ द मैच घोषित कीता गया। न्यूजीलैंड नै भारत गी पैहले बल्लेबाजी करने दा साद्दा दिता- जेदे चलदे भारत नै 255 रन्ज बनाए Sanju Samson

नै 46 गेंदें च 89 रन्ज बनाए ते उसी “प्लेयर ऑफ द सीरिज़” चुनेया गया। टी-20 विश्व कप जितने मगरा जम्मू-कश्मीर च जश्न दा माहौल हा। क्रिकेट प्रेमी गलियें-चौराहें च तिरंगे झंडे लहरा’रदे हे ते केंड़यें पटाखे चलाइयें ते देशभक्ति दे गीत गाइयें जश्न मनाया। भारतीय टीम दी ऐतिहासिक जित लेई उपराज्यपाल मनोज सिन्हा ते मुखमंत्री मनोज सिन्हा ते मुखमंत्री उमर अब्दुल्ला होरें सबनें गी मुबारकबाद दिती ऐ। विधायक विक्रम रंधावा होरें इस जित बारे अपने विचार सांझा करदे होई आखेआ.

किश खेड्ड प्रशंसकें अपने विचार आकाशवाणी कन्नै सांझा करदे होई आखेआ.



## **LG- Ladakh Youth**

उपराज्यपाल मनोज सिन्हा होरें कल लद्दाख थमां जम्मू दे दौरे पर आए दे नौजवानें कन्नै गल्लबात कीती। नौजवानें दा एह दौरा अखिल भारतीय विद्यार्थी परिषद दी विशेष राष्ट्रीय एकत्मता यात्रा -2026 तैहत आयोजित कीता गेदा ऐ- जेहदा मकसद क्षेत्रीय इक-जुटता ते आपसी समझ दा विद्यार्थियें गी अनुभव प्रदान करना हा। एल.जी होरें लोक भवन च इनें नौजवानें दा सुआगत करदे होई आखेआ जे उ’नेंगी अपने मुल्खै दी समृद्ध सग्गोसार सांस्कृतिक बन-सबन्नता गी दिक्खने-सुनने महसूस करने ते समझने दा आहवान कीता ते आखेआ जे इयें मानै आहली भावना राष्ट्रीय एकती गी होर मजबूती दिने च योगदान देग। लद्दाख खिते दे नुबरा-कर्गिल-लेह-लामायुरु-शांग-न्योमा ते जस्कंरार इलाके थमां 30 विद्यार्थियें राष्ट्रीय एकता दौरे च हिस्सा लै करदे न- जेहदे तैहत इनेंगी जम्मू-कश्मीर दे इलावा दिल्ली-हरियाणा- पंजाब ते हिमाचल प्रदेश-दे बक्ख-बक्ख हिस्सें दी सैर करोआई जा करदी ऐ।



## Ranji Team-Road Show

पैहली बारी रणजी ट्रॉफी जितने आहली जम्मू-कश्मीर दी क्रिकेट टीम नै अपनी जित दा जश्न मनांदे होई कल जम्मू शैहरा च इक शानदार रोड शो कइडेआ। पिच्छले हफते पारस डोगरा दी कप्तानी च जम्मू-कश्मीर दी टीम नै हुब्बली च खेड्डे गेदे खताबी मकाबले च कर्नाटक गी हराइयै ट्रॉफी अपने नां कीती ही। जम्मू-कश्मीर नै पैहली बारी 1960 च रणजी ट्रॉफी मकाबले च हिस्सा लैता हा ते लगभग 66 बरे दे बाद पैहली बारी टीम फाईनल तोड़ी पुज्जी ते खताब बी अपने नां करने च कामयाब रेही। पिच्छले कोई इक दहाके दौरान जम्मू-कश्मीर दी टीम दे प्रदर्शन च बेहतरी दिक्खने गी लब्बदी रेही। 2013-14, 2019-20 ते 2024-25 च जम्मू-कश्मीर दी टीम रणजी दे क्वाटर फाईनल तगर पुज्जी ही ते ऐकती खताबी मकाबला जितने च बी कामयाब रेही। पत्रकारें कन्नै गल्ल करदे होई जेत् टीम दे कप्तान पारस डोगरा नै आखेआ..

मगरा कल शामी'लै उपमुख्यमंत्री सुरिंदर चौधरी ते खेड्ड मंत्री सतीश शर्मा होरें जम्मू दे एम.ए स्टेडियम च आयोजित इक समारोह च जम्मू-कश्मीर दी रणजी टीम गी सम्मानित कीता। इस मौके उपमुख्यमंत्री होरें आखेया.



ते हुंन बाकि दिएं खबरें कन्नै जगमोहन शर्मा :-



## NEET UG Extension

सेहत ते मैडिकल शिक्षा मंत्री स्कीना इतू होंरें डाक्टरी दी पढ़ाई गितै दाखले लेई NEET-UG 2026 आहले मतेहानें गितै दरखास्त देने दी खीरी तरीक 11 मार्च धोड़ी बदाने दे NTA दे फैसले दा सुआगत कीता ऐ। एह फैसला मंत्री हुंदी उस गुजारश गी ध्यानै च रखदे होई लैता गेआ ऐ- जेहदे च उ'नें केन्द्री शिक्षा मंत्री धर्मेन्द्र प्रधान होंरें गी आखेआ हा कि कश्मीर घाटी च इंटरनेट पर लग्गी दियें पाबंदियें करी विद्यार्थियें गी फार्म भरने ते OTP वेरीफिकेशन जनेए मुद्दे करी दिक्कत पेश आवा'रदी ऐ। स्कीना इतू होंरें केन्द्री मंत्री हुंदा, समें पर लैते गेदे इस फैसले दा सुआगत कीता ऐ ते विद्यार्थियें गी बी आखेआ ऐ जे ओ खीरी तरीक बलगने दी थाहर जिन्ना तौले होई सकै अपनी दरखास्त जमा कराई देन। एहदे शा पैहले फार्म जमा करोआने बारे विद्यार्थियें गी सम्बोधत करदे होई मंत्री होंरें आखेआ.



### **Kashmir –Education Instts. Reopen**

जम्मू-कश्मीर सरकारै अज्जै थमां कश्मीर खिते च सब्बै तालीमी इदारे परतियै खोलने दा फैसला लैता ऐ। एह फैसला सरकार आसेआ एहतियात दे तौरा पर सब्बै स्कूल, कालेज बंद रखने दे इक हफ्ते दे बाद कल लैता गेआ। चेता होग जे पिच्छले हफ्ते अमरीका ते इजरायल आसेआ किट्ठै रलियै ईरान पर कीते गेदे हमले च ईरान दे सब्बनें शा बड्डे नेता अयात उल्लाह अली खामेनेई हुंदे मारे जाने दे बाद कश्मीर घाटी दे केंई इलाकें च विरोध-प्रदर्शन शुरु होई गे हे- जिनेंगी ध्यानै च रखदे होई सरकारै कालेज बंद रखने दा फैसला लैता हा। कल लैते दे फैसले च आखेआ गेआ ऐ जे घाटी दे सब्बनें जिले च सब्बै तालीमी इदारे जिंदे च स्कूल-कालेज

युनिवर्सिटियां ते सिखलाई संस्थान बी शामिल न- सगारे 9 मार्च थमां परतियै खुल्ली जागंन।  
एह फैसला जमीनी हालात- आम जनजीवन ते माहौल च सुधार गी ध्यानै रखदे होई लैता गेआ।

<><><><><><>

**Dy. CM R.S. Pura**

उपमुखमंत्री सुरेन्द्र चौधरी होरें आर.एस.पुरा दे बन्ने आहले इलाकें दा दौरा लाया ते उत्थे जारी विकास कम्मै दा जायजा लैता। अपने दौरे दौरान उ'नें लोकें दियें समस्याएं ते शकैतें गी बी सुनेआ। लोकें तगर पुज्ज बनाने आहलें इक कार्यक्रम तैहत उ'नें ग्रां Sai च मुकामी बसनीकें कन्नै मलाटी कीती ते उत्थे ढांचागत सहूलतें गी बेहतर बनाने ते खिते च आजीविका दे मौकें गी बदाने प्रति सरकार दी वचनबद्धता जाहिर कीती। उपमुखमंत्री होरें अफसरें गी हिदायत दिती जे ओह सार्वजनिक सुविधाएं लेई जमीनें दी पंछान करन ते मुकामी युवाएं च हुनर विकसित करने गी बढ़ावा देन। उ'नें चला' रदे कम्मै दा निरीक्षण कीता, जेदे च हरे पीर पुल दे रक्ख-रखाव ते परियोजना च चिर लग्गने पर पुच्छ-पड़ताल बी कीती।

<><><><><><>